

ناهـد السـيد المـوجـى

كلام يتحس

أشعار

صدرت الطبعة الأولى فى سبتمبر 2019



(أشعار)

كلام يتحس

بطاقة الكتاب

عنوان المؤلف	كلام يتحس
المؤلف	ناهد السيد الموجي
التصنيف	أشعار
رقم الإيداع	15915 - 2019
رقم الإصدار الداخلي	478 الطبعة الاولى سبتمبر 2019
عدد الصفحات	48 صفحة
تصميم الغلاف المراجعة والتنسيق	مؤسسة النيل والفرات

جميع حقوق الطبع والنشر محفوظة للمؤلف، ولا يحق لأي دار نشر طبع ونشر وتوزيع الكتاب أو ترجمته أو الإقتباس منه أو نشره على النت الا بموافقة كتابية وموثقة من المؤلف

مؤسسة النيل والفرات للطبع والنشر والتوزيع

ثورة مصرية تشرق إبداعاً على الوطن العربي

رئيس مجلس الإدارة

ناجى عبد المنعم



مؤسسة
النيل والفرات
للطبع والنشر والتوزيع
أسسها الشاعر ناجى عبد المنعم
حلم 2017

رخصة مزاولة مهنة: 58365 - سجل تجاري: - 13242 / 2017 - بطاقة ضريبية: 01-35-572

عضو عامل باتحاد الناشرين المصريين رقم 941 لسنة 2018

هاتف: 01011256943 - 01116202218 - 01202541192 - 0120554372901 تليفاكس:




النيل والفرات

nagyegy200064@gmail.com




alnilwaalfourat

alnilwaalfourat@gmail.com

المقر الرئيسي: ج. م. ح. محافظة الشرقية - العاشر من رمضان - مجاورة 13 - امام سنتر الـ 13 - وقار 304

إهداء

الى جدي الموجي
من اورثني جيناته الشعرية
فأينعت وأثمرت بشراييني
وزهرت علي سطوري
اليه اهدي باكورة اعمالني

ناهد السيد الموجي

مين اللي قال لك مين

مين اللي قال لك مين
كل الزهور ياسمين
منها اللي لونه حزين
وفيه شوك وانين
ومنهم تملأ العين
وتورد الخدين
ومنهم جورية
حمرا مندية
تلمس بحنية
تسكن عنيك غية
ومنهم شوكها شديد
بتلمسه يدميك
توجع قوي ف اديك
ووجاعها بينسيك
الحسن ويخليك
تجري بعزم ما فيك

لما تحميني يا أمي م الفنا

لما تحميني يا أمي م الفنا
بهرب وبشرب من رضاك والهنا
بتشبهى عود الريحان والسوسنه
الضمة من حضنك تدفيني سنة
واللمسة من كفك بتحييني انا
يا ام الحنان مادد غيطان مخضرة
يا ام الكلام الحلو وردة مزهرة
وطني وداري والونس ف المنذرة
شمسي وقمري والنجوم والغندرة
عمري ما دقت الخوف ف حضنك
ولا لاحظة طالني ظنك
الحب كله جايلي منك
معاك ف الجنة لانك
ما فيش غنى يا حبيبتى عنك

ضميني يا امه حتى فوق ما هتقدي
انت اللي بتحبي بدون ما تفكري
انت اللي ثابتة ف العطا ما تغيري
انت اللي منحاني الحنان ما تحيري
معاك مات الخوف
وضمتك بألوف
ولمستك يا امه بتبعتر الغمة
وتجمل اللمة وتزود الهمة يا امه

عصفور و عصفورة

إفرد جناح الشوق
وطير لعندي لفوق
التقل مش غية
يا زارع الياسمين
مين اللي قالك مين
عشقه أنا عنيه
وزرعه ف عيوني
خبيته بجفوني زهر بحنية
أنا عمري ما هسيبك
وقلبي هيجيبك وهتسكن الغية
عصفور و عصفورة
مطبوع لهم صورة بسلامة النية
يا قلبي يا حيران ففتش عن السلطان
عطشانة ملاغية
غاب القمر والنور والأرض مش بتدور
من قسوته عليا
باحلفك بالله
بعزته وسماه إلمس قوي إديا

مملكتي

تعالى صلي ع الهادي وسمعي
وهحكيتك حكاية كلامها بوجعي
قالت لي
زرعته ومن جدري بيقلعي

□ □ □

ما فيش فيها صفة تعيبيها
وكانت أية ف شبابها
لكن خانها وكمان سابها
وطفل رضيع مغلبها
وفقر وجوع معذبها
بتحكيلي وبتقولي

□ □ □

وعهد الله عشان إبنني نسييت نفسي
ولولا الناس بتندهلي لتاه إسمي
وراحت ضحكتي والفرحة مع همسي

□ □ □

وبالإصرار وطولة البال صبح قامة
مابين الخلق سمعة وشارة وعلامة

مع كل الخطاوي دعوة برزق وسلامة

□ □ □

وف ليلة لملم كل حاجة تخصها

وبنبرة المحزون تباكى وقالها

مشغول انا عنك

كبر كثير سنك

هسكنك يا امه ف دار تشيل همك

وهناك كمان لمة قريبين منك

□ □ □

مرت ثواني كما السنين

سألت وقالت هي مين؟

انا يا ابني هتوديني فين

أنفاسي مطبوعة علي الجدران هنا

حتى الدفا والبرد إحساسي انا

اللقة بلمسها بتنزّل بالهنا

ياما دعيت لك لما ضهري يتحنى

تبقى السند ليا وثمري اللي إتجنى

□ □ □

لو قلبي ممكن يتفتح

هتلاقي نفسك ف الوريد

والدم بتدقق شديد

والنبض عشانك بزيد
حساك يا عمري كما الوليد
حاسب لجلدك يتجرح
لو قلبي ممكن يتفتح

□ □ □

عايز تخرج روحي من جسمي
تجردني من الإحساس ومن إسمي
تخليني رقم مكتوب ف دفاترهم
أسيبك انت وأدعهم
تصدقني
خطايا على الطريق يا ابني هتشفعلي
وهتقولك منين ما تروح هترجعلي
كتير كانت بتسمعلي
وانا بعددها بدعيلك
يطول عمرك ويديلك

تصدقني

هيسأل عني ضوء الشمس ع الشباك
ومين هينشف الشرابات عليها هناك
ومين هيلمع الجزمة ف كل صباح
ومين هيفكرك بالساعة والمفتاح
ويدعيلك تعيش مرتاح
بلاش يا ابني تبهدلني
ومن مملكتي تعزلني
طب اسأل كل شئ ف البيت
ما فيش يوم مر فيه ما شقيت
وكل حاجاتك ألمسها
واوطني عليها وأبوسها
وارض البيت انا كم مرة باكنسها
ولا مرة سمحت لحد دنسها
ومين يرقيك ومين يسقيك
ومين يدعي الإله يشفيك
نهاية القول أنا باقية ف مملكتي
وكبر السن مشكلتي
وحكمي عليك ف محكمتي هتنزل ضيف
ولو كل اللي عندي رغيف
هقاسمك فيه بقلب نضيف

الشباب ما يحسوهاش

قومي يا حاجة نصلي.....
عصرنا أذن خلاص.....
الزعل خليه يولي.....
م الفريضة ما فيش مناص.

.....
لسه بتغييري عليا.....
و تقوليلي أهدم شوية....
ما انت عارفة.....
لجل اقوم أسند واخطي
ببقي م الغضروف موطي

.....
لسه فاكراني الحصان
ولا فاكرة الصولجان
ولا متلبس بجان
عنقواني كان زمان
حبي ليك أقوى من جزور الجزوارين
وفى حنانه أرق من أوراق زهور الياسمين
انت عارفة تبقى مين

آية باختتمها بأمين
يحفظك لي انا
انت ف الصيف النسيم
ضلة ف الحر الاليم
انت في عيوني الهنا
في الشتا انت الدفا
أجمل معاني للوفا
الله عليك وقت الصفا
شاي بالحليب
وقرص طرية
ولما اغيب
تجري على
الشاي برد يا نور عنيا
ولما بتصحيني اصلي
طبطة ايدك تعلي
سقف احلام التجلي
سمعيني ضحكك ما سمعتهاش
من ثلاث أيام كائي ما عشتهاش
الله هالله ع النغم
دنيا مليانة نعم
والشباب ما يحسوهاش

حُب مصر

علم الواد والصبية

حُب مصر

ازرعوا فيهم بَغِيَّة

معنى نصر

مصر ظاهرة مش بَغِيَّة

ف كل عصر

ف الحضانة هي قصر

واما عوده يزيد شوية

هي فصل

من فصول الانسانية

هي جسر

مصرنا الزينة الابية

لينا حصر

□ □

علموهم ف المدارس

مصرنا قلعة وحارس

مستحيل يقربها فارس

ظهرها مادد وغارس

جزره ف الأرض العافية

□ □

علموا ولادنا الجسارة

فرجوهم ع الحضارة

الادب.. فن العمارة

ف العلوم مصر المنارة

حتي لو غفلت شوية

□ □

لما هيشب الوليد

واتنحت عوده الحديد

والرجولة فيه تزيد

هو فارسها الوحيد

فرض يقطع كل إيد

تقرب الارض العتية

منك انا حفنة تراب

منك انا حفنة تراب
نقطة ندا على غصن غاب
منه العطش والجزر شاب
ما يكفنيش حزنك
ولا ضلة من غصنك
ولا حيطان حصنك
ياللي انت ملكاني
وانا حي شيلاني
وف موتي دفناني
عايشك وعيشتاني
من مجدك انا باني
دوري واوطاني
ياللي انت حمياني
ما يكفنيش قُبلة
لانك القبلة
والشبكة والنبلة
اصطاد عصافيري
ما يكفنيش همسك

ولا لمسة من لمسك
عايزك انا كلك
ابنك وانا خللك
يا اللي انت عشقاني
من صغري حضناني
وف حضنك الحاني
دمع العيون بك
يا بلادي يا خضرة
عهداك انا صابرة
وف الأمل خبرة
واللي يعاديك
هيكون
بين الدول عبرة

وبتعدى بنا الايام

وبتعدى بنا الايام كما النسمة
كما الاحلام بتشبه مركبة ف النيل
نغم مواويل ضيا قناديل
ولسانا ف بحر الشوق
صبي وصبية طيرين فوق
تدوقني واقولك دوق
تسمعني كلام الذوق
تفكرني وانا فأكرة
حنان قلبك ومش ناكرة
واحاسيسنا ما هيش ذكرى
ف اول لمسة من ايدك
واول همسة يوم عيدك
بتحييني وانا بزيديك
ومهما العمر طال بينا
وغير من امانينا
هيفضل لون لياالينا بلون النور
صبي وصبية شبه الحور
عبق لزهور عبير منثور

وكنا وكانت

وكانت دنيتي أحلي من السكر
لا شائلة هموم ولا بأفكر
أنا الطفلة الفرايحية
بضحكة جميلة وندية
لا يوم أبكي ولا اتعكر
حنان الخالة والعمة
وجدي وجدتي لمة
وحدوتة تنيمني
وطبطوبة تصحيني
وجدي لما يندهنني
يقولي يا ضيا عيني
كبرت وزادي حنية
بخوفهم م الهوا علي
وأحلام عمري وردية
ولا اعرف خوف ولا بلية
صبية حلوة وشقية
وفرحة م الهوي تجيني
وزفوني مع دموعهم لمملكتي

وكل مكان ف بيت جدي
عليه صورتي
ببيان الأهل مفتوحة
لنا ف الجاية والروحة
وأنس الليل بيجمعنا
ونحكي الكل يسمعنا
ولب وفول يسلينا
وشاي أحمر بدفينا
وفرحة ساكنة ف عينا
وعمر الخوف ما بيجيننا
وفجأة هادم اللذات
علي أهلي جميعهم فات
وكل جميل معاهم مات
كتير يا أمه وحشتيني
رحلتي ليه وفتيني
ومن عطفك حرمتيني
يا حنية
بتسري ف دمي ووتيني
ولو ف الحلم هتجيني
يا ريت يا أمه تضميني
بايدك لمسي جبيني

وقولي لجدتي وجدي
مرار الموت ما بيهدي
وليل البعد ما بعدي
يا دور الأهل ليه ملتي
مع رحيلهم وهلهتي
زمان لي أنا كنت
يا مرساي ومركبتي
نفس دافي بيحييني
أمانة يا أمه لتجيني
وبحنانك تدفيني
وقولي لجدتي وجدي
وحشتوني كثير جدا
وحشتوني

وداع رمضان

مررت يا شهر الصوم مرور العابرين
بعترت أشواقنا وخلفت الحنين
كل الجوارح فيها بصمة من أنين
يا هلترى لما هترجع
اللي راحل فينا مين
يا مسحراتي بلاش تودع شهرنا
بركاته مطبوعة وجارية ف دمنا
يارب ليلة القدر لينا كلنا
تمحي ذنوبنا واللي باقي ف همنا
يارب تهدي ولادنا والذنوب ما تضلنا
ترعانا بعنايتك ورحمة تظلنا
كل اللي باقي عندنا منك ساعات
هتعدى والفاضل معانا الذكريات
يارب توبة قبل ما يحين الممات
يارب رحمة للي عايش واللي مات
يارب جنة للي عندك من رفات
ورجع العاصي ويسر له السبات
ع الحق والاخلاص وعفوك للي فات

سألتني

ليه ابتسامتك تشبه الصبح الجميل
وانت اللي ف مكانتك زليل
إسمع وانا المسؤل هقول
العزة ساكنة الروح منين ما نروح
عطر القناعة مننا ييفوح
انا يا صاحبي الجرح والمجروح
انا المداوي وناوي امح جروح
كل اللي زيي جرحهم ف الروح
مش عيب اوطي ألمع الجزمة
ولا إني اضحك هي دي الازمة
العيب اكون انسان بلا لزمة
راجل انا من صغري واخواتي
الصبح ف المدرسة وبعدها يوماتي
أسعى علي الرزق ومكفي انا حياتي
ربك خلقنا كلنا طبقات
سبحانه قال بنداول الأيام
والفقر حتى ف جلدنا لو بات
هتغلبه وتحطمه الاحلام

قصيدتي بالعامية المصرية مشاركتي في مسابقة بوح الصورة في
منتدى دكتور محمد الفراتي

إبتهاال

□ □

يارب سبحانك
جل وعلا شأنك
يارب يا مجري السحاب
عدلك ف أرضك يوم ما غاب
حبلك متين أبدا ما داب
يارب سبحانك
جل وعلا شأنك
يا أحن من أم الوليد
ومن العدم تخلق جديد
عفوك وإحسانك بزيد
صالح وعاصي بيستفيد
أسياد يا عاطي أو عبيد
وتمد سبلك للسعيد
يارب سبحانك
جل وعلا شأنك

يارب عفوك والصلاح
كترت ذنوبنا والجراح
عفوك يا مولانا براح
يارب سبحانك
جل وعلا شأنك
يا عالم السر وخفاه
والجهر مكنونه ومداه
والقلب ف جنونه وهواه
شاي ف بدايته ومنتهاه
يارب سبحانك
جل وعلا شأنك
يا شافي م الأوجاع
بدون دوا يتباع
بأمر كن فيكون
يا عالم المكنون
يارب كل الكون
اقبل دعاء محزون
ما بيشتكي لسواك
ومالوش سند إلاك
يارب سبحانك
جل وعلا شأنك

رسالة من الشهيد

□ □

ويوم العيد على أمي وأولادي ما كنش سعيد
.. كلاب الغدر قتلونا وبالتحديد
.. مع أول خيوط الفجر يوم العيد

□ □

وقبل ما اعيد ع الولاد وعلي أمي
سابقنا الموت وسال دمي

□ □

□ ويا أمي

ويا أمي أنا ف الجنة ونعمها
وأولادي إله الكون بيدعمها
أمانة عليك يا أمي ما تنكسريش
وتبكييني وانا ف الجنة حي بعيش
..... وقولي لمصر ولادة

..... ولادك ف التاريخ سادة

..... على مر الزمن قادة

..... هبحموك وبزيادة

..... ولما يموتوا بشهادة

..... ماتتخزليش □

وليه انت بقى بالذات

س/□

وليه انت بقى بالذات؟
بتسكن جوه وجداني
ومستوطن ف شرياني
ولو لحظة ميعادك فات
أفتش ليه عليك تاني
وأخاف لو لحظة تنساني
سنين مرت.. وانا مرات
أقول بكره هتلقاني
تحن لصوتي وحناني
تشوف إسمي على الصفحات
تحس حرارة الدمعات
تقول سامحيني انا الجاني

□□□

س/□

وليه انت بقى بالذات
ملكيت صبايا وشبابي
ولو غيرك علي الباب بات

لا يمكن يتفتح بابي
وبستعذب معاك البعد وعذابي

□ □ □

□/س

وليه انت بقى بالذات؟
لأنك مالك الأيام
حلمت معاك بألف منام
غرقنا وعمنا ف الأحلام
ولا يوم ف الهوى تبنا
وشرقنا وغربنا
ورحنا بعيد وقربنا
وعند الشط جربنا
نحول همسنا لكلام

□ □ □

□/س

وليه انت بقى بالذات؟
ساكني ف صحوي ومنامي
وإسمك لازمة ف كلامي
عشانك سر إلهامي □/ج
معاك إحساسي ف تسامي

ولو تسألني ليه بالذات؟
ج/□ عشان عمري اللي قبلك مات
بقيت انت اللي باقي وآت
وبستناك مع الجيات
وطعم المر حلويات
يا مالك حلو أحلامي
وساكن كل أيامي

حروف اسمي

لون حروف اسمي بلون الطيف
. النون سماوي لا هو بولا زيف
. ألفي كما خط الشعاع ساري
. والهاء بنفسج ف القلوب جاري
. والذال بـحُمرة و صفرة وكناري
. الف ولام اخضر بلون الفرع
. والميم خضار ها ف خضار الزرع
. الواو بلون النيل ولبن الضرع
. والجيم ضياها زي ضوء الشمع
. والياء صدى بملا القلوب والسمع

.

بحبك ليه

□ □

وعن قلبي بتسألني بحبك ليه؟

سألته وقالني

حاسس بيه

بشوق ساكن بجفن عنيه

دفا بيزيد بلمس إديه

□ □

وقالني م تسألني عينك

تقولك سهره كطني

وعمره ف يوم ما ز علني

ولا غمضت علي دمة

ولا طفالي يوم شمعة

□ □

ويشهد شعرك المجدول

هيكلي قصته ويقول

حنان اللسة بعترني

علي كتافك وحيرني

حبيبي

يا مطرة بللت روحي

يا بلسم شافي لجروحي
وريد قلبي ملاه بوحي

□ □

وتسألني بحبك ليه؟؟
عشانك مرسى مركبتي
وفيض إحساسي وعزيمتي
ودم بيملأ أوردتي

□ □

بحبك ليه؟؟
يا جوايا السنا والنور
ملاك حولتني للخور
وأنفاسك شذا وبخور

□ □

بحبك ليه؟؟
ما تسألنيش عن المكنون
يا دنيايا وكل الكون
إذا ربك أراد هيكون
ما بين الكاف وحرف النون

كان يقولي

كان يقولي
اكتبي اسمي واسمك
طرزتهم بالحرير
صوت كلامنا لما يعلا
يبقي نغمة من خرير
اكتبي اسامينا علي كل الحيطان
وانقشهم ع البيبان
واعملي حسابك ف دستة من العيال
كلهم اسمي واسمك
اسم تاني لامحال
واما اموت
اكتبي اسامينا علي قبوري
وسمي علي الرفات
وان قالو لك انت عايشة
قولي نصي التاني مات
واما أزورك ف المنام
و احضنك من غير كلام
وامشي من غير السلام

طمني قلبك علي
سبتلك روعي و عنيه
يدفعوكي للامام
لو انت كبير أنا الأكبر

.....

لو انت كبير انا اكبر
وفعلك عمره ما يعكر
ومهما بعدت ما يفكر

وصمتك او كلامك عندنا سيان
أنا صاحبة مصانع جودة النسيان
بغلفها وصدرها ف كل مكان
وبكتب ع الغلاف منتج
ده كان يا كان

لو انت كبير انا اكبر
أنا المصنوعة م السكر
ما فيش من غيري حلويات
ومني بصنعوا الشربات
وطعم حلوتي بيسكر

لو انت كبير انا اكبر
ولو تنسى انا هذكر
أنا الكلمة بمعانيها
ومعجمها اللي بحميها
ولما بشوق بغنيها
تواضع مني مش أكثر

حرام

□

حرام*حرام*حرام
أسهر من غير ما انام
واستنى يجيني طيفك
واحلمبك ف المنام

□

شفتك ف اللحم عنتر
وبحبك موت واكثر
من عبلة وشوق ببعتر
وصحيت ناسية الكلام

□

والله حرام*حرام
صمتك وكمان خصام
قافل باب الغرام
ومغرقني ف ملام
مع ان الشوق بيكثر

□

وكمآن حرام*حرام
ما تردش ع السلام
أندهلك باحترام
ردك يوزن جرام
وانا ف الإلحاح بكتر



والنعمة حرام*حرام
ساكت وعلى الدوام
ضيعت الانسجام
والصمت علينا مطر



والختمة حرام*حرام
النور أصبح ضلام
والعين صابها الغمام
انت ف قلبي الإمام
وعلي الجبين مسطر



وردك

وردك جماله المستحي
بيحيي احساسى
يا ام العيون السندسى
فاكرك و مش ناسى
صدفة قابلتك من سنة
وبتندهي .ورد الهنا
تعالى خد منى انا
اهدى حبيبتك سوسنة
وارسم عليها بالغنا
انغام جميلة بدندنه

.....

مبهور انا بسحر العيون
مع بسمتك عمري يهون
عاشقك يا سنيورة جنون
لو تعرفي قلبي الحنون
ازاي قناعاته تهون
قدام غرامك والظنون
تاht فى مفرق سكتك

انا باشتري عمري بقربك
الأغلى عندي هو حبك
والنور يا عمري هو قربك
كل الزهور دبلانة جمبك

هغزل من الازهار تيجان
تاج للأثوثة والحنان
وتاج على الجبهة امان
وتاج بشكل الصولجان
وتاج هزينبه الحصان
وهخطفك فوقه عشان
انا بعت عمري وهشتربك
ولا عمر هيكون لك شريك
وده قرارحتى الفنى
يا سوسنة

يا رايعين عند النبي

يا رايعين عند النبي مني السلام
شوقي لمدينته ولرحابه والحمام
ولروحه ولنفسه الذكية ما فيش كلام
يكفي شوقي والتمني والهيام
نفسى ف سجدة يا نبي وسط الزحام
ف الروضة بعد الفجر يا خير الأنام
وتسيل دموعي يا نبي وقت المرام
وأحلف بحبك عمري ما قرب للحرام

□ □ □

آه يا محمد يا حبيبي يا رسول
من حلو شوقي ولهفتي عند الوصول
لمسجدك وقلبي م الفرحة يصول
آه يا محمد يا حبيبي يا أمين
من شوقي واللوعة ومرارة الحنين
وسرعة الدقات مع طعم الأئين
آه يا محمد يا نبينا يا شفيع
من خوفي أملي ف الزيارة يوم يضيع

□ □ □

نفسى أحج البيت واطوف
واسعى بقلبي مع الالوف
أتوضى من زمزم وأشوف
التوبة ف وشوش الضيوف
واسعى ما بين جبل الصفا والمروى سبعة
ومن الفرخ تسقط دموعي دمعة دمعة
وكأن كل الكون ضلام والكعبة شمعة
ومن الزحام أشعر بأن الأرض جامعة
كل الملائكة والبشر وكأني سامعة
بلال بأذن للإقامة ف عصر جمعة

قالت الصبية

خديني يا امه معاك ازور خير الأنام
انا لسه طفلة قلبي مليان بالسلام
نفسى أزور البيت وانام
ف حجر إسماعيل وأنعم ف المنام
برؤية الصادق ويحلامي الكلام
مع محمد سيد الخلق الهمام



خديني يا امه معاك أزور
هاخذ معايا عود بخور
وهبخر الروضة والدور
حوالين أبو بكر وعمر ورسولنا نور
ولو نعست سبيني أنام وسط القبور



يارايحين عند النبي اشكوله حالي
لا طالبة مال ولا عزوة ولا سكنى العلامي
شفاعة يوم الحشر والجنة حلالي
شفاعة يوم الحشر والجنة حلالي

كحلت عيني بالتراب

كحلت عيني بالتراب ياللي
بتبني أحلامنا وبتعلي
عدي الخطاوي يا مصر وتملي
سَمي على ولادك كده وحلي
نيك بيجري ف ارضنا وبلي
رمل الصحاري بميته ودلي
كل القلوب التايهة ما تملي
انت المنارة وشمستي وضلي
وعلمينا الحق ما تضلي
يا ارض خضرة ووردتي وفلي
شيلاك ما بين الضلوع
في غربتي وحلي

بيني وبينك

□ □

بيني وبينك هقسم الأحلام
أختارها وألونها قبل ماتام
الحلم يبقى سنين هنا وهيام

□ □

أحلام جديدة خاصة بيا وبيك
عنيه نايمة وهي حاضنة عنيك
وإديا بتلملم ف لمس إديك
وزهرة حلوة هناك بتجري عليك
والمطرة تروي م العطش روي
والنسمة تشبه ف الجمال بوي
والسلسبيل يسقيني وبيسقيك
والكون بطوله وعرضه ليا وليك

□ □

والحلم يبقى حقيقة من غير نوم
أغرق ف بحرك وانت بيا تعوم
وياريت غرقنا يبقى دايم دوم

□ □

بيني وبينك هقسم الحرفين

الحاء حبيبي انت نور العين
والباء بلاش يتفرقوا القلبين
والصبر علي بعدك أجيبه منين

□ □

بيني وبينك هقسم الإحساس
انت حبيبي خلي والجلاس
والأهل والعزوة وكل الناس
من غيرك انت الجنة لا تنداس

□ □

بيني وبينك هقسم النسمة
زفيرها ليا والشهيق قسمة
تسكن ف صدرك تزرع البسمة
يا ضي عيني يا قمر وناس

محتوى الكتاب

2	بطاقة الكتاب
3	إهداء
4	مين اللى قال لك مين
5	لما تحمينى يا أمى م الفنا
7	عصفور وعصفورة
8	مملكى
11	تصدقنى
12	الشباب ما يحسوهاش
14	حب مصر مصر
16	منك أنا حفنة تراب
18	وبتعدى بنا الأيام
19	وكنا وكانت
22	وداع رمضان
23	سألتنى
24	ابتهال
26	رسالة من الشهيد
27	وليه انت بقى بالذات
30	حروف اسمى
31	بحبك ليه
33	كان يقول لى
36	حرام

38	وردك
40	يا رايعين للنبي
42	قالت الصبية
43	كحلت عيني بالتراب
44	بينى وبينك
46	محتوى الكتاب